

# Lög

## um breytingu á lögum um meðferð sakamála, nr. 88/2008 (bætt réttarstaða brotaþola, fatlaðs fólks og aðstandenda).

---

### 1. gr.

Í stað orðanna „í slíku sérútbúnu húsnæði“ í 4. málsl. 9. gr. laganna kemur: og brotaþola eða vitni með geðræna eða vitsmunalega skerðingu eða skerta skynjun, í sérútbúnu húsnæði.

### 2. gr.

Á eftir 2. mgr. 10. gr. laganna kemur ný málsgrein, svohljóðandi:

Brottaþola og fyrirsvarsmanni hans er ávallt heimilt að vera viðstaddir lokað þinghald, eða fylgjast með lokuðu þinghaldi í gegnum fjarfundarbúnað í domhúsi þar sem því verður komið við, eftir að hann hefur gefið skýrslu nema dómarí telji sérstakar ástæður mæla gegn því. Ákvörðun dómará um að synja brotaþola eða fyrirsvarsmanni hans um að vera viðstaddir eða fylgjast með lokuðu þinghaldi, í heild eða að hluta, skal færð til bókar þar sem greint skal frá því af hverri ástæðu það er gert. Sætti brotaþoli eða fyrirsvarsmaður hans sig ekki við ákvörðun dómará getur hann krafist þess að dómarí kveði upp úrskurð um hvort honum sé heimilt að vera viðstaddir lokað þinghald.

### 3. gr.

Í stað tilvísunarinnar „1. mgr.“ í 1. málsl. 1. mgr. 16. gr. laganna kemur: 3. mgr.

### 4. gr.

Eftirfarandi breytingar verða á 39. gr. laganna:

- Á eftir 2. mgr. kemur ný málsgrein, svohljóðandi:

Ef rannsókn máls varðar orsök andlás einstaklings getur maki eða sambúðarmaki, lögráða barn eða annar lögráða niðji, foreldri eða lögráða systkini hins látna komið fram sem fyrirsvarsmaður hans.

- Í stað tilvísunarinnar „2. og 3. mgr.“ í 4. mgr. kemur: 2.–4. mgr.
- Við 1. málsl. 5. mgr. bætist: en við meðferð þess nýtur hann þeirra réttinda og ber þær skyldur sem mælt er fyrir um í lögum þessum.

## 5. gr.

Eftirfarandi breytingar verða á 41. gr. laganna:

- a. Á eftir 3. mgr. kemur ný mólsgrein, svohljóðandi:

Ef rannsókn móls varðar orsök andláts einstaklings er löggreglu heimilt að tilnefna fyrirvarsmani skv. 3. mgr. 39. gr. réttargæslumann, ef þess er óskað og hann hefur að mati löggreglu þörf fyrir slíka aðstoð meðan á rannsókn mólsins stendur.

- b. Í stað tilvísunarinnar „1.-3. mgr.“ í 4. mgr. kemur: 1.-4. mgr.

## 6. gr.

Eftirfarandi breytingar verða á 42. gr. laganna:

- a. Í stað tilvísunarinnar „1.-3. mgr.“ í 1. mgr. kemur: 1.-4. mgr.

- b. Á eftir 1. mgr. koma tvær nýjar mólsgreinar, svohljóðandi:

Ef dómi héraðsdóms hefur verið áfrýjað til Landsréttar er brotaþola skipaður réttargæslumaður við meðferð mólsins þar, enda séu til þess skilyrði skv. 1.-4. mgr. 41. gr., og brotaþoli annaðhvort hefur haft uppi einkaréttarkröfu við meðferð mólsins í héraði eða að undir meðferð mólsins fyrir Landsrétti verði talið nauðsynlegt að taka skýrslu af brotaþola.

Ef dómi Landsréttar hefur verið áfrýjað til Hæstaréttar er brotaþola skipaður réttargæslumaður við meðferð mólsins þar, enda séu til þess skilyrði skv. 1.-4. mgr. 41. gr., og brotaþoli annaðhvort hefur haft uppi einkaréttarkröfu við meðferð mólsins í Landsrétti eða gert þar kröfu um ómerkingu og heimvísun héraðsdóms hvað frávísun einkaréttarkröfu hans varðar.

## 7. gr.

Eftirfarandi breytingar verða á 46. gr. laganna:

- a. 3. og 4. mgr. orðast svo:

Réttargæslumaður má ekki beina spurningum til þeirra sem gefa skýrslu hjá löggreglu. Þó getur hann beint þeim tilmaelum til löggreglu að skjólstæðingur hans verði spurður um tiltekin atriði, svo og sakborningur og vitni.

Réttargæslumanni er heimilt að leggja stuttar og gagnorðar spurningar fyrir þá sem gefa skýrslu fyrir dómi um atriði sem varða annað en einkaréttarkröfur skjólstæðings hans og skýrslugjafi hefur ekki verið spurður um áður fyrir dómi.

- b. Við bætist ný mólsgrein, svohljóðandi:

Réttargæslumanni er að auki heimilt að leggja fyrir spurningar og tjá sig munnlega fyrir dómi um einkaréttarkröfur skjólstæðings hans en ekki um kröfur ákærvalds að öðru leyti. Þó má hann tjá sig um réttarfarsatriði ef þau snúa sérstaklega að skjólstæðingnum.

## 8. gr.

47. gr. laganna orðast svo:

Réttargæslumaður skal jafnskjótt og unnt er fá afrit af öllum skjölum móls sem varða skjólstæðing hans, svo og aðstöðu til að kynna sér önnur gögn í málínu. Þó er óheimilt að afhenda réttargæslumanni afrit af skjölum eða veita honum aðgang að gögnum ef verjanda hefur verið synjað um það. Þá getur löggregla neitað að veita réttargæslumanni aðgang að einstökum skjölum eða öðrum gögnum í allt að þrjár vikur frá því að þau urðu til eða komust í vörlur hennar ef hún telur að það geti skaðað rannsókn mólsins. Af sömu ástæðu er lög-

reglu heimilt að neita réttargæslumanni um afrit af einstökum skjölum meðan á rannsókn máls stendur. Bera má synjun undir dómara.

Ef löggregla krefst skýrslutöku fyrir dómi skv. b-lið 1. mgr. 59. gr. getur dómari framlengt frest skv. 1. mgr. í allt að fimm vikur svo að unnt verði að ljúka skýrslutöku innan hans.

ENN fremur getur löggregla synjað réttargæslumanni um aðgang að einstökum skjölum og öðrum gögnum meðan á rannsókn máls eða meðferð þess fyrir dómi stendur ef öryggi ríkisins eða almennings er í húfi eða brýnir einkahagsmunir annarra en skjólstæðings hans eða sam-skipti við yfirvöld í öðrum ríkjum standa því í vegi. Bera má þá synjun undir dómara.

Pegar réttargæslumaður hefur fengið aðgang að gögnum máls er honum heimilt að láta skjólstæðingi sínum í té eintak af þeim eða kynna honum þau með öðrum hætti.

Löggregla skal gefa réttargæslumanni færí á að fylgjast með framvindu rannsóknar að svo miklu leyti sem kostur er. Skal hún taka til greina ábendingar hans um tilteknar rannsóknar-aðgerðir nema hún telji þær óheimilar eða þýðingarlausar.

Brotapoli sem ekki nýtur aðstoðar réttargæslumanns á rétt til aðgangs að gögnum máls skv. 1. mgr. með þeim takmörkunum sem getur í 1.–3. mgr.

#### 9. gr.

Eftirfarandi breytingar verða á 61. gr. laganna:

- Við 1. mgr. bætist nýr málsgrein, svohljóðandi: Bjóða skal fötluðum sakborningi að hafa með sér hæfan stuðningsaðila við skýrslutöku.
- Við 2. mgr. bætist nýr málsgrein, svohljóðandi: Bjóða skal fötluðu vitni að hafa með sér hæfan stuðningsaðila við skýrslutöku.

#### 10. gr.

Við 97. gr. laganna bætist nýr málsgrein, svohljóðandi:

Löggregla eða ákærandi skal upplýsa brotапola eða réttargæslumann um ef sakborningur eða ákærði hefur verið úrskurðaður í eða láttinn laus úr gæsluvarðhaldi vegna gruns um brot gegn XXII.–XXIV. kafla almennra hegningarlaga eða atvik máls eru þannig að öðru leyti að telja verður mikilvægt fyrir brotапola að vera upplýstur um það.

#### 11. gr.

Við 1. mgr. 113. gr. laganna bætist nýr málsgrein, svohljóðandi: Bjóða skal fötluðum sakborningi að hafa með sér hæfan stuðningsaðila við skýrslutöku.

#### 12. gr.

3. málsl. 2. mgr. 122. gr. laganna orðast svo: Skal jafnframt gefa réttargæslumanni kost á að leggja spurningar fyrir vitnið, sbr. 4. og 5. mgr. 46. gr.

#### 13. gr.

Eftirfarandi breytingar verða á 2. mgr. 123. gr. laganna:

- Á eftir orðunum „15 ára“ í 1. málsl. kemur: eða fötluðu vitni.
- Við bætist nýr málsgrein, svohljóðandi: Bjóða skal fötluðu vitni að hafa með sér hæfan stuðningsaðila við skýrslutöku.

#### 14. gr.

Við 1. mgr. 134. gr. laganna bætast tveir nýir málsgrein, svohljóðandi: Brotапola er og heimilt að leggja fram þau skjöl og önnur sýnileg sönnunargögn sem hann hefur undir hönd-

um. Ef dómari telur bersýnilegt að skjal eða annað sýnilegt sönnunargagn skipti ekki máli við sönnunarmat getur hann meinað brotaþola um framlagningu.

#### 15. gr.

Á eftir 3. málsl. 3. mgr. 166. gr. laganna kemur nýr málslíður, svohljóðandi: Í kjölfarið er brotaþola, án tillits til þess hvort ákærði hefur kosið að tjá sig samkvæmt framansögðu, einnig heimilt að taka stuttlega til málss.

#### 16. gr.

Við 3. mgr. 172. gr. laganna bætist: en við meðferð þess nýtur hann þeirra réttinda og ber þær skyldur sem mælt er fyrir um í lögum þessum.

#### 17. gr.

Eftirfarandi breytingar verða á 1. mgr. 176. gr. laganna:

2. málsl. orðast svo: Kröfuhafa eða þeim sem fer með málið fyrir hans hönd er og heimilt að leggja spurningar fyrir ákærða, vitni eða kröfuhafa sjálfan um atriði sem sérstaklega varða kröfuna, svo og að flytja málið munnlega um hana eina.
- Við bætist nýr málslíður, svohljóðandi: Fari lögmaður ekki með málið fyrir hönd kröfuhafa getur kröfuhafi beint þeim tilmælum til dómara að tilteknar spurningar sem sérstaklega varða kröfuna verði lagðar fyrir hann sjálfan.

#### 18. gr.

Á eftir orðinu „þinghaldi“ í b-lið 1. mgr. 192. gr. laganna kemur: synja brotaþola eða fyrirsvarsmanni hans um að vera viðstaddir eða fylgjast með lokuðu þinghaldi eftir að brotaþoli hefur gefið skýrslu.

#### 19. gr.

Við 193. gr. laganna bætist ný málsgrein, svohljóðandi:

Ef kröfu skv. XXVI. kafla er vísað frá héraðsdómi, samkvæmt fyrirmælum 2. mgr. 176. gr. eða vegna þess að ákærði er sýknaður með dómi, getur kröfuhafi án kæru komið kröfu um ómerkingu og heimvísun héraðsdóms hvað einkaréttarkröfu sína varðar að við meðferð áfrýj aðs málss fyrir Landsrétti eftir fyrirmælum 4. mgr. 199. gr., d-liðar 2. mgr. og 4. mgr. 201. gr. og 203. gr.

#### 20. gr.

Á eftir 1. málsl. 3. mgr. 196. gr. laganna kemur nýr málslíður, svohljóðandi: Krafa um endurskoðun á grundvelli 5. mgr. 193. gr. getur þó ekki tekið til annars en ómerkingar og heimvísunar ákvæðis héraðsdóms um frávísun einkaréttarkröfunnar.

#### 21. gr.

Eftirfarandi breytingar verða á 199. gr. laganna:

- Orðin „ef krafa“ og „hefur verið dæmd að efni til“ í 4. mgr. falla brott.
- Við bætist ný málsgrein, svohljóðandi:

Ef héraðsdómi hefur verið áfrýjað skal ríkissaksóknari tilkynna brotaþola um það. Sama á við ef óskað hefur verið leyfis Landsréttar til að áfrýja dómi héraðsdóms skv. 2. mgr. 198. gr. og 5. mgr. þessarar greinar.

## 22. gr.

Eftirfarandi breytingar verða á 201. gr. laganna:

- Orðin „sem dæmd hefur verið að efni til“ í d-lið 2. mgr. falla brott.
- Á eftir orðunum „í héraði“ í 4. mgr. kemur: eða vísað frá héraðsdómi vegna fyrirmæla 2. mgr. 176. gr.

## 23. gr.

Eftirfarandi breytingar verða á 208. gr. laganna:

2. mgr. orðast svo:

Ef héraðsdómur er ómerktur eingöngu hvað varðar frávísun einkaréttarkröfu skv. 1. og 2. mgr. 172. gr., sbr. 5. mgr. 193. gr., skal víkja henni til meðferðar í héraðsdómi í sérstöku einkamáli í samræmi við ákvæði 175. gr. Ef Landsréttur hafnar kröfu um að héraðsdómur verði ómerktur hvað varðar frávísun einkaréttarkröfu skal hann staðfesta héraðsdómum um frávísun einkaréttarkröfunnar frá héraðsdómi.

- Við bætist ný málsgrein, svohljóðandi:

Ef fallist er á kröfu um ómerkingu og heimvísun fyrir æðra dómi skv. 2. mgr. skal kröfuhafi sem fengið hefur skipaðan réttargæslumann hafa gjafssókn fyrir héraðsdómi, Landsrétti og Hæstarétti í einkamáli um kröfuna skv. 175. gr.

## 24. gr.

Við 212. gr. laganna bætast tvær nýjar málsgreinar, svohljóðandi:

Ef kröfu skv. XXVI. kafla er vísað frá Landsrétti, samkvæmt fyrirmælum 2. mgr. 176. gr., vegna þess að ákærði er sýknaður með dómi Landsréttar getur kröfuhafi án kæru komið að við meðferð áfrýjaðs mál fyrir Hæstarétti kröfu um ómerkingu og heimvísun dóms Landsréttar hvað kröfu sína varðar, eftir fyrirmælum 5. mgr. 217. gr., d-liðar 2. mgr. og 4. mgr. 218. gr. og 220. gr.

Ef Landsréttur hefur staðfest héraðsdómum um frávísun einkaréttarkröfu frá héraðsdómi vegna þess að ákærði er sýknaður með dómi Landsréttar getur kröfuhafi án kæru og þrátt fyrir ákvæði 2. og 3. mgr. komið að við meðferð áfrýjaðs mál fyrir Hæstarétti, eftir fyrirmælum 5. mgr. 217. gr., d-liðar 2. mgr. og 4. mgr. 218. gr. og 220. gr., kröfu um ómerkingu dóms Landsréttar hvað staðfestingu á frávísun einkaréttarkröfu varðar og heimvísun til héraðsdóms til nýrrar meðferðar í einkamáli skv. 175. gr.

## 25. gr.

Á eftir 1. málsl. 3. mgr. 215. gr. laganna koma tveir nýir málslíðir, svohljóðandi: Krafa um endurskoðun á grundvelli 5. mgr. 212. gr. getur þó ekki tekið til annars en ómerkingar og heimvísunar ákvæðis dóms Landsréttar um frávísun einkaréttarkröfunnar til nýrrar meðferðar í einkamáli skv. 175. gr. Þá getur krafa um endurskoðun á grundvelli 6. mgr. 212. gr. ekki tekið til annars en ómerkingar ákvæðis dóms Landsréttar hvað staðfestingu á frávísun einkaréttarkröfu brotaþola varðar og heimvísun hennar til héraðsdóms til nýrrar meðferðar í einkamáli skv. 175. gr.

## 26. gr.

Eftirfarandi breytingar verða á 217. gr. laganna:

- Orðin „ef krafa“ og „hefur verið dæmd að efni til“ í 5. mgr. falla brott.
- Á eftir 5. mgr. kemur ný málsgrein, svohljóðandi:

Ef sótt hefur verið um leyfi til að áfrýja dómi Landsréttar skal ríkissaksóknari til-kynna brotaþola um það, sem og ef fallist er á slíka beiðni.

#### 27. gr.

Eftirfarandi breytingar verða á 218. gr. laganna:

- a. Orðin „sem dæmd hefur verið að efni til“ í d-lið 2. mgr. falla brott.
- b. Á eftir orðunum „á fyrra dómstigi“ í 1. málsl. 4. mgr. kemur: eða vísað frá Landsrétti vegna fyrirmæla 2. mgr. 176. gr.

#### 28. gr.

Við 225. gr. laganna bætast þrjár nýjar málsgreinar, svohljóðandi:

Ef dómur Landsréttar er ómerktur eingöngu hvað varðar frávísun einkaréttarkröfu skv. 1. og 2. mgr. 172. gr., sbr. 5. mgr. 212. gr., skal víkja henni til meðferðar í Landsrétti í sérstöku einkamáli í samræmi við ákvæði 175. gr.

Ef dómur Landsréttar er ómerktur eingöngu hvað varðar staðfestingu á frávísun héraðsdóms á einkaréttarkröfu skv. 1. og 2. mgr. 172. gr., sbr. 6. mgr. 212. gr., skal víkja henni til meðferðar í héraðsdómi í sérstöku einkamáli í samræmi við ákvæði 175. gr.

Ef fallist er á kröfu um ómerkingu og heimvísun fyrir æðra dómi skv. 3. og 4. mgr. skal kröfuhafi sem fengið hefur skipaðan réttargæslumann hafa gjafsókn fyrir héraðsdómi, Landsrétti og Hæstarétti í einkamáli um kröfuna skv. 175. gr.

#### 29. gr.

Lög þessi öðlast þegar gildi, sbr. þó 2. og 3. mgr.

Ákvæði 19.–23. gr. gilda ekki um mál sem áfrýjað hefur verið til Landsréttar, enda hafi áfrýjunarstefna verið gefin út fyrir gildistöku laganna.

Ákvæði 24.–28. gr. gilda ekki um mál sem áfrýjað hefur verið til Hæstaréttar, enda hafi áfrýjunarstefna verið gefin út fyrir gildistöku laganna.

#### 30. gr.

Við gildistöku laga þessara verður eftirfarandi breyting á lögum um fullnustu refsinga, nr. 15/2016: Á eftir 15. gr. laganna kemur ný grein, 15. gr. a, ásamt fyrirsögn, svohljóðandi:

*Miðlun upplýsinga til brotaþola.*

Fangelsismálastofnun er heimilt, ef brotaboli óskar eftir því og brýnir hagsmunir hans krefjast þess, að upplýsa hann um tilhögun afplánunar þess aðila sem brotið hefur gegn honum.

---

*Samþykkt á Alþingi 15. júní 2022.*